

Jaanju-janampa mirlimirli ngaanya nampa yupalpa kurtingu

¹ Jiiijajmili walyjakajalurniya wajani, yini jilanya, “Jiinya-lampa maaja jirlpi.” Ngayulurnangku Jaanju mirlimirli ngaanya wakara kurtingkuni, Kiyajku, Jiiijajmili walyjalun kulilkuraku. Ngayurnangku pukurlpa nyininpa.

² Nyuntulurni kulila!, ngayumili walyjalu. Mamar-nangkura japilpayi nyuntunta ngampurrju kanyilkura, kunyjnyu ngarntaparni. Ngayulurnanta nintilu kulini, nyunturan Jiiijajmili walyja jungaran nyinani. ³⁻⁴ Jiiijajmili walyjakajalurniya yanu jakurljunu, nyunturan junga nyinani Mamamili wangkaku. Jakurlkajarna kulilpayi Jiiijajmili walyjakajaya junga nyinin, Mamamili wangkaku, palujanurna-nyurrampa ngayu pukurlminyirri nyinani.

Kiyajpa Jiiijajmili walyja junga nyinapayi

⁵ Ngayumili walyja, pukurlparnangku nyinani, jumajin kunyjnyukaja ngapini Jiiijajmili walyjakajaku. Karlkinpaya wamparla nyinani, jiiikajakulurrju-janampam kunyjnyu ngapilpayi. ⁶ Jiikajalu-lanyajuya yanuka jakurljunu nyuntulu-janampam kunyjnyu ngapilpayi, ka-janampam layikamu nyinapayi. Jiiijajmili wangkaya parra jakurljuninpa kaya yaninpa nyuntumili ngurrawana. Nyuntulu-janampa kunyjnyu ngapila!, mawu yankuraya parra jakurljunkturampa, ngurra kujupangkakamu ngurra kujupangka. Murrarnilula jilanyalu kunyjnyu ngapini, jampaya Jiiijajmili wangka parra wajani. Jilanyakura Mama pukurlarrini. ⁷ Jiikajaluya julyju kulilpayi ngurra walyjangkalu

jilanya, “Jiiijajmili wangkala-jananya parra wajalku. Ka mirtala-jananya manikamu mirrka manku, parlanykajangka, Jiiijajmili walyjankawiyajula-jananya manku mirrkakamu manikaja.”⁸ Paluanu ngayurtinjula-janampa Jiiijajmili walyjakajaku kunyjunu ngapilkura, manikamu mirrkala-jananya yungkura, jampaya Jiiijajmili wangka parra jakurljuninpa. Yiipila-jananya jilanyalu yaalpamulku, paluanuya yarnngalu martukajalu kulilku Jiiijajmili wangka.

Tayaturappakamupula Timitirijpa julyju nyinapayi

⁹ Nyuntumili tawunjaya kujungkarrini Jiiijajmili walyjakaja. Tawun jiiikartirna-jananya julyju Jiiijajmili walyjakaja yupalpa kurtingu mirlimirliwinti. Jaajpurlukalu maajalu yini Tayaturapju ngayumili wangka mirlimirlu palungka riitamunu ka kulinu junu, mirta-janampa jiiikajaku yupalkajaku pukurlarringu, paki.¹⁰ Mayitpirna ngula yanku, karnalu Tayaturapja wajalku, jumaji-lanyaju wululu jankapayi. Ka-janampa Jiiijajmili walyjakajaku wirrirlijanukajaku jankani. Nyuntumili tawunja, jiiimartajiya Jiiijajmili walyjakaja pukurlarrini-janampaya wirrirlijanukajaku, ka-jananya Tayaturapju wajara kurtingkuni, jaajingkamarra, jumajiya kujungkarrijaku.¹¹ Ngayumili walyjalu wangka ngaanya kulila! Jiinya maaja Tayaturappa walyku nyinani, mirtan jilanyayuru nyuntu nyina! Karlkinpaya Jiiijajmili walyjakaja kunyjunu nyinani, palunyayurun kunyjunu nyuntu nyinaku. Yiipi martulu Jiiijajmili walyjalu kunyjunu ngapilku, paluanu yilta Mamamili walyja nyinani. Yiipi martu kujupalu Jiiijajmili walyjalu mirta kunyjunu ngapilku, palujanunga mirta Mamamili walyja nyininpa.

¹² Ngulantaya martu kujupa Jijajmili walyja, yini Tim-
itirijpa mawu yanku nyuntumili ngurrawana, kayila-
parayan pukurlarriku nyinaku, kayilaparayan kunyjunu
ngapilku. Jijajmili yarngaraya paluku pukurlarrini,
ngayurtinpalurru. Jungalurnanta jilanya wajani.

¹³ Ngayulurna kulini wangka kujupakajarnanta wa-
jalkura. Ka mirtarna mirlimirlingka ngaangka wakalku,
¹⁴ kurlungarnanta yanku ka ngayulu walyjalu wajalku.

¹⁵ Mamarnangku japini, pukurlpan nyinakura.

Ngaamartajiluya nyuntumili miirtikajalu wajani, “Kun-
yjunyulaju nyininpa.” Nyuntumili miirtikajaya jingga
nyininpa, kajuya karlkinpa ngayumili miirtikajalurru
nyininpa. Jiikajangka-jananya wajala!, ngayurna kun-
yjunu nyininpa.

Jijajmili walyjakajaya ngaangka kujungkarrini. Jiika-
jaluntaya wajanu, “Ngayurtinpalara kunyjunu nyinani
Jijajku.”

Mamamili Wangka
Portions of the Holy Bible in the Martu Wangka language of
Australia

copyright © 1999 Bible Society of Australia

Language: Martu Wangka

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-21

PDF generated using Haiola and XeLaTeX on 27 Jul 2022 from source files dated 22 Nov 2019

4012452d-4a59-52ec-a42c-bdeca0ab4ea2